



Sakspapir

Sakshandsamar	Arkiv	ArkivsakID
Dagrun Gunnarson	FE-027, FA-C86	21/456

Saksnr	Utval	Type	Dato
113/21	Formannskapet	PS	23.11.2021
	Kommunestyret	PS	

Oppdatering av "Fedje og folket" - digital utgåve

Vedlegg:
FedjeogFolket

Saksutgreiing: Saksopplysningar

Arvid Skogseth, som skreiv bygdeboka «Fedje og folket» i 1997, har tatt kontakt med ordførar og rådmann om å lage ei oppdatering av bygdeboka digitalt. Dei hadde eit møte 01.10.21, og Skogseth har sendt inn ei skisse på korleis han ser for seg at arbeidet kan skje (sjå vedlegg).

Han skisserer tre nødvendige prosessar for oppdatering:

- 1) Skogseth samlar inn og skriv nødvendige oppdateringar.
- 2) Bileta frå Fedje og folket – og evt. nye bilete – vert lasta inn på nytt i digital fil
- 3) Oppdateringa vert publisert på Lokalhistoriewiki.

Vurdering

«Fedje og folket» er ei flittig brukt og viktig bok for Fedjesamfunnet, og mange ville ha stor glede av ei oppdatering.

Det er nokre problemstillingar ein bør ta stilling til:

Ressursar: Det er ikkje sett av midlar eller tidsressurs til dette arbeidet i rådmannen sitt framlegg til budsjett for 2022. Om me skal følgje skissa til Skogseth, må kommunestyret sette av 100 000 kr i fastlønn på t.d. ansvar 1100, teneste 3850 (andre kulturaktivitetar og tilskot til andre sine kulturbygg), + arbeidsgjevaravgift og forsikring (+ ca 10%). Han skriv at pensjonsinnbetaling ikkje er nødvendig, sidan han kan gjere det for pensjonistlønn. Han kan i så fall verte tilsett i ei mellombels tilsetjing etter aml § 14-9 (2) a) (*når arbeidet er av midlertidig karakter*) eller f) (*for en periode inntil*



Fedje kommune

tolv månader) utan utlysing.

Om det er behov for mykje arbeid med bilete og liknande, er det ikkje rom og tid for det med noverande kulturressursar. Det må difor anten ligge til Skogseth sitt arbeid, eller krev ekstra ressursar.

Eigarskap: Om Skogseth er tilsett i Fedje kommune medan han gjer oppdateringa, sikrar me at Fedje kommune eig resultatet. Eigarskap rundt biletmaterialet er ikkje like klart, og det er ikkje klart om me er nøydde til å gjere meir arbeid for å få lov til å publisere bileta på nett. Her kan det kome til ekstra arbeid og kostnad.

Økonomi/inndekning: Rådmannen ser ikkje andre moglegheiter enn å svekke overskotet på kommunebudsjettet for 2022. Dette overskotet er pengar som vert nytta til kommunale investeringar i bygg og utstyr. Rådmannen gjer merksam på at overskotet allereie i rådmannen sitt framlegg til vedtak er svakare enn KS si anbefaling.

Alternative framgangsmåtar: Det finst andre måtar å gjere dette på enn å tilsette mellombels. Til dømes kan me å kjøpe tenesta som ei ferdig pakke, der me ber om tilbod i ein offentleg konkurranse. Men det er ingen andre som har teke initiativ til noko slikt, og det er ingen andre som sitt på den kunnskapen som Skogseth sitt på. Det vil truleg og krevje noko juridisk arbeid for å sikre eigarrettar.

Konklusjon

Som alle gode tiltak, vert dette ei vurdering av kva ein vil nytte midlar på og kor ein evt. kan hente midlane. Det er ikkje tvil om at ei oppdatering av bygdeboka vil vere populært på Fedje, samstundes som pengane må hentast frå eit anna formål.

Om kommunestyret ønskjer å gjennomføre dette, kan vedtakstekst t.d. vere:

Overskotet på driftsbudsjettet for 2022 vert svekka med kr 110 000, som vert sett inn på ansvar 1100, teneste 3850 for oppdatering av bygdeboka «Fedje og folket», i tråd med skissa som er sendt inn av Arvid Skogseth.



Fedje kommune

Forslag til vedtak:

Ingen framlegg til vedtak.

Formannskapet - 113/21

F - behandling:

Vedtaksframlegg, foreslått av Stian Herøy, Høgre

Overskotet på driftsbudsjettet for 2022 vert svekka med kr 110 000, som vert sett inn på ansvar 1100, teneste 3850 for oppdatering av bygdeboka «Fedje og folket», i tråd med skissa som er sendt inn av Arvid Skogseth.

F - vedtak:

Overskotet på driftsbudsjettet for 2022 vert svekka med kr 110 000, som vert sett inn på ansvar 1100, teneste 3850 for oppdatering av bygdeboka «Fedje og folket», i tråd med skissa som er sendt inn av Arvid Skogseth.

Samrøystes vedteke.